

QVÆSTIO II.

Quibus Capillamentorum Usus
concedatur.

I.

Multiplex nobis oboriretur disceptatio, si tres illos Hierarchiæ Status, Ecclesiasticum, Politicum & Oeconomicum, cum singulis Ordinum eo pertinentium varietatibus, curiose peruestigare animus foret. Quapropter ut brevitati studeamus, de togatis status Politici Præsidibus, hac vice pluribus agere nolumus, siquidem in solis mensa positum, quod Capillamenta æque ac vestes splendidiore ad augendam auctoritatem faciant; id quod testimonio Politici inter Historicos eminentis, Livii confirmamus, qui Lucano Principi ex promissa cæsarie non minus, quam ipsa suapte natura & genio Majestatem accessisse fatetur. Neque de aliis laborabimus, qui, cum res in aprico sit, Antagonistam hucusque nullum, peculiari opere negotii aliquid facessentem, repererunt: quandoquidem cum vento pugnam conferere non didicimus. De triplici ergo hominum genere tantummodo dispiciemus, nimirum de Militibus, de Studiosis, & de Sacrorum Mystis, utrum illis Capillamento uti liceat, nec ne?

II. A Militibus incipimus. Cum vero de armatis judicare illum, qui non nisi cum mortuis aut inermibus bella gerere didicit, res plena & difficultatis sit & periculi, age! ipsos Bellonæ filios quasi in Senatum vocabimus, ut ex eorundem suffragiis, quid praxi Bellicæ omnium maxime conveniat, addiscamus. Et hic quidem quot capita cerno, totidem sententias audire mihi videor; ita tamen ut plurimorum

rum